

THE HISTORY OF THE CITY OF LONDON

BY
JOHN STOW

欽定平定陝甘新疆回匪方略卷八十五 甲子年

十一月十六日 癸丑 恩麟奏言本年十月望閒 臣

聞鹽關回匪不時撲近秦州城垣正在查探閒
據解送陶茂林軍火之差弁田富貴等回省稟
稱十月初七日由秦州起程行抵離城十里許
之中梁地方遇賊不能前進初八日賊匪麕聚
將城外住居回民裹脅而去初九初十等日又

復圍城擬勾結城內回民經林之望調到秦安
縣民勇四百名與賊接仗因衆寡不敵退回城
內該匪卽將附城廟宇房屋焚燬並四鄉搶掠
民糧該弁等繞路行至秦安聞曹克忠已撥四
營勇丁前往援救等語查秦安爲甘省富庶之
區設有疏虞關係甚重林之望於統轄全軍時
進攻鹽關賊巢尙不能大挫兇鋒今張華一軍

又經臣撥往階州兵分力單更難望其奏效復
因蓮花城巨巢攻克後敗殘之匪勾結狄道回
逆竄聚日多會甯安定通渭等縣較前愈形喫
緊前准雷正綰來咨分派各軍三面合圍布置
本極周密惟西路尙覺空虛臣欲於安會地方
酌派勁旅前往策應已苦於無兵可分於秦州
更有鞭長莫及之勢現在陶茂林已率領十餘

營西進注意狄河股匪兼顧蘭州城垣臣已飛

函迎催商令將安會等處竄匪節節掃蕩再行

進省是陶茂林一軍既不便輕調赴秦至曹克

忠現仍扼紮蓮花城東南州縣悉資控制卽現

派赴秦州之四營想亦係雷正綰於無可抽撥

之中不得已而調往援應惟以秦州賊勢而論

現有兵勇實覺過於單薄且該州一有動搖恐

羣昌洮岷回匪兇燄愈熾將又成燎原之勢查
張華帶勇二千餘名日久尙駐成縣是否畏葸
不前抑因賊衆驟難進剿亦未據林之望稟報
前來臣再四思維惟有責成林之望會合曹克
忠四營刻日進攻鹽關回巢以牽賊勢儻再遷
延不進卽由臣從嚴奏叅奏入

上命議政王軍機大臣傳諭都興阿穆圖善雷正綰陶

茂林恩麟曰甘省鹽關逆回竄撲秦州將城外回民裹脅並縱火焚燒四鄉搶掠民糧勢極猖獗林之望所部張華一軍經恩麟撥往階州助剿現僅調到秦安兵勇四百名到城防守因兵力較薄迄未大挫兇鋒秦州爲甘省富庶之區設有疏虞勦辦更形棘手曹克忠所撥四營赴援秦州尙恐不敷分布著都興阿穆圖善雷正綰悉心籌度曹克忠一軍能否馳赴

秦州援剿並應如何分兵駐紮蓮花城以阨險隘之處均一併妥籌兼顧如蓮花城布置已妥卽飭曹克忠酌帶所部星速往援秦州迅解城圍並著恩麟嚴檄林之望就在城兵力與曹克忠所撥四營妥籌防剿或進攻鹽關回巢以牽賊勢毋致稍有疏失近省會甯安定一帶賊匪時出肆擾陶茂林一軍現已西進卽著懷遵前旨迅解靜甯城圍並將安會等處竄

匪節節埽蕩再行馳赴省垣進規河狄蘭州省城防
務恩麟就現有兵力慎密防維雷正綰現在移軍平
固一帶如蓮花城防兵尙單卽著酌撥兵勇前往協
守以便曹克忠抽調所部馳援秦州卽與恩麟等妥
籌會辦

恩麟又奏言甘省地處邊隅歲需兵餉全賴外
省協濟自南服軍興十餘年來各省協餉積欠

二千餘萬兩之多迨陝甘逆回相繼煽亂地方
日愈凋敝所盼近省協餉僅有山西省暨河東
道兩處是以臣節次奏催趕解山西省協甘新
舊餉銀尙欠解二百萬兩內有節奉

諭旨飭令先行籌解銀三十九萬河東道應解協甘餉
銀尙欠五十七萬兩均未具報起運臣前經委
員赴晉與在甘設有生意之鋪家商辦匯兌現

據委員陶斯詠等於山西省協餉內匯來銀一萬四千兩又於河東協餉內匯來銀三萬兩於目前軍餉雖少資接濟第杯水車薪無益大局

伏查提

臣

陶茂林暨河州鎮曹克忠所部各軍

本由陝省供支餉需嗣陶茂林駐軍張家川以來陝省應支之項卽已屢催罔應雖由臣極力摒湊而於鉅款仍難補苴現計陶茂林一軍不

日即可抵省曹克忠亦應分兵西上去陝愈遠
恐陝省解款愈難爲繼惟有籲懇

天恩飭令山西撫臣嚴飭河東道無論如何爲難先將

甲子綱奉撥同治三年協甘新餉銀五十二萬
兩限日趕爲措齊分派委員協同甘省迎提委
員速運蘭州省城以濟陶茂林等西來軍餉其
前奉

諭旨由山西藩庫先行籌解銀三十九萬亦卽飭司趕
緊籌撥分起馳解慶陽糧臺供支都與阿雷正
綰各軍餉需庶甘肅諸軍各有專餉藉免頓兵
待哺之虞此外該省積欠餉銀臣現復遴派妥
員分往太原河東籌辦匯兌並請

飭下山西撫臣一律照辦仍令陝西撫臣懷遵節次

諭旨將陶茂林軍餉力籌兼顧臣不勝急切待

命之至

恩麟又奏言陝西提屬駐紮甘肅之固原等十
九標營並分防各汛官兵歲需俸餉向由陝西
藩庫供支自陝西軍興欠發至七季之多兵丁
萬分困苦當經奏請

飭下陝西撫臣先將積欠駐甘各營餉銀措解數季俾
資接濟轉瞬已屆三年竟未籌發分釐人心散

渙譁潰時虞又甘肅之滿營並一提五鎮暨督
標各營應支兵餉亦因協餉不到積欠至八九
季及四五季不等雖閒以本省抽收釐金捐輸
銀錢量爲彌補然亦未能及十之二三以致兵
心怨誹動輒辭伍抗差臣百計圖維因思山東
河南二省欠解協甘新舊餉銀爲數甚鉅前經
奏請催解欽奉

諭旨各先撥解銀十萬兩山東省僅解慶陽糧臺萬五
兩尙欠解甘餉銀五百九十五萬兩河南省亦
僅解慶陽糧臺銀二萬兩尙欠解甘餉銀五百
三十萬兩零均係久應解甘要款萬難再事耽
延惟有再籲

天恩飭山東河南撫臣無論如何爲難各於欠餉內先
行籌撥銀二三十萬兩派員星馳運甘或解儲